



31 MAR, 2023

## Kerja naik taraf gerai, tamu MDS bermula 3 April

Utusan Sarawak, Malaysia

Page 1 of 2

# Kerja naik taraf gerai, tamu MDS bermula 3 April

ADI SAFARMAN

**SARATOK:** Kerja-kerja menaik taraf gerai dan pasar tamu di bawah seliaan Majlis Daerah Saratok (MDS) akan bermula 3 April ini yang melibatkan kos berjumlah RM800,000.

Ahli Dewan Undangan Negeri (ADUN) Kalaka, Mohamad Duri menyarakn kepada para peniaga memberikan kerjasama sepenuhnya sepanjang tempoh kerja-kerja naik taraf tersebut.

"Projek menaik taraf gerai dan pasar tamu Saratok itu telah ditender dan dijangka bermula 3 April ini dan ia dijangka siap

sepenuhnya pada Disember tahun ini yang turut melibatkan kerja-kerja menaik taraf lantai dan atap.

"Oleh itu, saya mengingatkan pihak bertanggungjawab agar memastikan segelintir peniaga selesa di kawasan pemindahan sementara dan tidak menjejaskan aktiviti jualan-mereka," katanya semasa ketika hadir pada sesi taklimat bersama agensi pelaksana berkaitan projek menaik taraf gerai dan pasar tamu Saratok dekat sini, semalam.

Mengulas lanjut, Mohamad menjelaskan proses pemindahan para peniaga ke tapak sementara akan dilaksanakan



**KENANGAN...** Mohamad Duri dan Friday Belik pada sesi taklimat bersama agensi pelaksana berkaitan projek menaik taraf gerai dan pasar tamu Saratok, semalam.

pada 2 April ini.

"Saya berharap projek menaik taraf gerai dan pasar tamu Saratok ini dapat meningkatkan lagi pendapatan peniaga dan petani untuk memasarkan produk agro makanan mereka apabila

ia siap nanti," katanya.

Mohamad menambah projek menaik taraf ini akan dikendalikan oleh pihak Lembaga Pemasaran Pertanian Persekutuan (FAMA). Turut hadir ialah ADUN

Krian, Friday Belik, Pengarah FAMA Negeri Sarawak, Ramli Mat Sani, Pegawai Daerah Saratok, Haron Mahidi dan Pemangku Setiausaha Majlis Daerah Saratok (MDS), Liam Entili.



31 MAR, 2023

## Kerja naik taraf gerai, tamu MDS bermula 3 April

Utusan Sarawak, Malaysia

Page 2 of 2

### SUMMARIES

ADI SAFARMAN SARATOK: Kerja-kerja menaik taraf gerai dan pasar tamu di bawah seliaan Majlis Daerah Saratok (MDS) akan bermula 3 April ini yang melibatkan kos berjumlah RM800.000. Ahli Dewan Undangan Negeri (ADUN) Kalaka, Mohamad Duri menyarankan kepada para peniaga memberikan kerjasama sepenuhnya sepanjang tempoh kerja-kerja naik taraf tersebut.